



OPĆINSKI NAČELNIK

Broj :01-1-04-1-1319/21

Dana:20.05.2021. godine

Na osnovu čl. 62. Zakona o organizaciji organa uprave u Federaciji Bosne i Hercegovine ("Službene novine FBiH", broj 35/05), čl. 15. Zakona o principima lokalne samouprave u Federaciji Bosne i Hercegovine („Službene novine Federacije BiH”, broj 49/06 i 51/09) i čl. 38. Statuta Općine Vitez („Službeni glasnik Općine Vitez“, broj 5/08), a u vezi sa Smjernicama za uspostavu i jačanje interne kontrole kod proračunskih korisnika („Službene novine FBiH“, broj 19/05.) Općinski načelnik, donosi ;

P R A V I L N I K o reprezentaciji i poklonima u Općini Vitez

I OPĆE ODREDBE

I

Pravilnikom o reprezentaciji i poklonima u Općini Vitez (u daljem tekstu: Pravilnik), utvrđuju se visina te uslovi i način korištenja sredstava reprezentacije, kao i procedure i pravila primanja i davanja poklona u Općini Vitez.

II

Pod reprezentacijom, u smislu ovog Pravilnika, smatra se izdatak koji se javlja u toku redovnog poslovanja općinskih službi, sa ciljem ostvarenja i održavanja poslovnih odnosa, te obilježavanja godišnjica i drugih značajnih datuma. Sredstva za reprezentaciju su sredstva za troškove jela, pića i osvježenja koja služe tokom radnih sastanaka, karte za sportske i kulturne događaje, troškovi za kupovinu cvijeća i vijenaca i druge robe, troškovi izrade fotografija, usluge smještaja u smještajnim objektima i druge usluge. Visina sredstava za reprezentaciju utvrđuje se Proračunom Općine Vitez za svaku kalendarsku godinu kao posebna proračunska stavka, u skladu s raspoloživim finansijskim sredstvima.

III

Poklonom, u smislu ovog Pravilnika, smatra se lična korist u vezi vršenja javne funkcije, a podrazumijeva pribavljanje stvari, prava i usluge bez naknade, kao i svaka isplata, usluga ili predmet od vrijednosti učinjene trećem licu, bez naknade ili očekivane naknade.



II REPREZENTACIJA

IV

Reprezentacija se utvrđuje kao eksterna i interna reprezentacija.

1) Eksterna reprezentacija

V

Sredstva eksterne reprezentacije koriste se prilikom posjeta i prijema stranih i domaćih delegacija, odnosno predstavnika stranih državnih organizacija i institucija, kao i predstavnika državnih, entitetskih, kantonalnih institucija i organizacija I općinskih institucija I organizacija I predstavnika kulturno-sportskih I drugih sličnih organizacija.

VI

Pravo na korištenje eksterne reprezentacije imaju Općinski načelnik i predsjedavajući Općinskog vijeća.

VII

Eksterna reprezentacija može se koristiti kako u sjedištu općinskih organa tako i na teritoriji Bosne i Hercegovine, a visina troškova mora biti razumna i primjerena.

Pravdanje korištenja sredstava eksterne reprezentacije se vrši podnošenjem fiskalnog računa.

VIII

Troškovi eksterne reprezentacije padaju na teret općinskog organa koji je organizovao posjetu i prijem stranih i domaćih delegacija, odnosno predstavnike stranih državnih organizacija i institucija, kao i predstavnike državnih, entitetskih, kantonalnih i općinskih institucija i organizacija.

2) Interna reprezentacija

IX

Sredstva interne reprezentacije koriste se prilikom održavanja sjednica, odnosno radnih sastanaka općinskih službi, odnosno prilikom održavanja sjednica stalnih i povremenih komisija i drugih radnih tijela općinskih službi, kao i prilikom obavljanja redovnih poslova iz nadležnosti općinskih službi.



X

Pravo na korištenje interne reprezentacije imaju Općinski načelnik, predsjedavajući Općinskog vijeća, rukovodioci službi-pomoćnici Općinskog načelnika. Visinu reprezentacije iz stava 1. ovog člana odobrava Općinski načelnik posebnom odlukom za svaku kalendarsku godinu.

XI

Troškovi interne reprezentacije padaju na teret općinskog organa ili općinske službe, koji je organizovao sjednicu ili radni sastanak, odnosno koji je obrazovao radno tijelo.

III POKLONI

1) Primanje poklona

XII

Kod primanja poklona mora biti jasno utvrđeno dali su oni namjenjeni Općinskom organu uprave ili Općinskom načelniku odnosno predsjedavajućem Općinskog vijeća. Općinski organ uprave će primiti poklone, nezavisno o njihovoj vrijednosti, kada je to u vezi s vršenjem njihove dužnosti i kada ne postoje politički ili ekonomski razlozi zbog kojih ih ne bi trebalo primiti.

XIII

Lica iz čl. 12. ovog Pravilnika koja prime poklone čija je tržišna vrijednost veća od 200,00 KM iste ne mogu zadržati za sebe, nego su ih dužni u primjerenom roku predati nadležnoj općinskoj službi, i to: a) poklone koje primi predsjedavajući Općinskog vijeća, predaju se u kabinet Općinskog načelnika i b) poklone koje primi Općinski načelnik, predaju se također u kabinet Općinskog načelnika.

2) Davanje poklona

XIV

Općinski organ uprave može dodjeljivati poklone stranim i domaćim institucijama i organizacijama u povodu jubileja tih institucija i organizacija, njihovog posebnog doprinosa u razvoju pojedinih oblasti i projekata u Općini Vitez, kao i istaknutim pojedincima koji su svojim radom i rezultatima rada doprinijeli afirmaciji Općine Vitez.



XV

Pravo na davanje poklona imaju Općinski načelnik i predsjedavajući Općinskog vijeća, pod uslovom da tržišna vrijednost poklona ne prelazi iznos od 500,00 KM.

IV EVIDENCIJA PRIMLJENIH POKLONA

XVI

Općina Vitez dužna je voditi evidenciju o primljenim poklonima čija tržišna vrijednost prelazi iznos iz čl. 13. ovog Pravilnika. Evidencija primljenih poklona sadrži: - redni broj, - podatke o poklonodavcu, podatke o poklonoprimcu, - vrstu, količinu i vrijednost poklona, - datum i mjesto prijema ili uručenja poklona, - mjesto gdje je čuva primljeni poklon. Vrijednost primljenog poklona utvrđuje se na osnovu računa, provjerom vrijednosti istog ili sličnog poklona na tržištu ili na drugi način.

V ZAVRŠNE ODREDBE

XVII

Na sve ono što nije uređeno ovim Pravilnikom u dijelu koji se odnosi na primanje poklona primjenjivaće se odredbe pozitivnih zakonskih propisa koji se odnose na ovu oblast.

XVIII

Pravilnik stupa na snagu danom donošenja, a isti će se objaviti u Službenom glasniku općine Vitez.

OPĆINSKI NAČELNIK

Boris Marjanović